

ଯୋହନଙ୍କ ପ୍ରଥମ ପତ୍ର ଜହନ୍ନେ ପଢ଼ୁମ୍ ଉଲିଆଃ

ଜହନ୍ ବଇ ବିସୟରେ ଉଠିକ୍ଲିଗ୍ ସାମୁଆଁ

ପଢ଼ୁମ୍ ଜହନ୍ନେ ଉଲିଆ ଜିସୁ କ୍ରିସ୍ଟୁନେ ଜନମ୍ ଇଡ଼ିଙ୍ଗ୍ ୫୦ ବାନ୍ ୧୦୦ କ୍ରିସ୍ଟୁଇ ବିତ୍ରେ ପ୍ରେରିତ୍ ପାଉଲ୍ନେ ବାନ୍ ଗୁଆର୍ ବଆରକେ । ଜହନ୍ ନିଜେ ଗୁଆର୍ଣ୍ଣେ ବାବ୍ରେ ପରିଚୟ୍ ଆବିକେ ଶୁ ମାତର୍ ପଢ଼ୁମ୍ ଅଦ୍ୟାୟ୍ନିଆ ମେଁ ଜିସୁ କ୍ରିସ୍ଟୁନେ ଜିବନ୍ ବାରି ଗୁଏଚେ ମ୍ଲକ୍ଣେ ସାକି ଲେଃକେ ତାଗ୍ରେ ଜାନା ପଡ଼େତିକେ ୧:୧-୩ । ପଢ଼ୁମ୍ ଜହନ୍ ଗୁଆର୍ଣ୍ଣେ ଲେକା ଜହନ୍ ଗୁଆର୍ଣ୍ଣେ ନିମାଣ୍ଡାସାମୁଆଁ ଏତେ ଜାବର୍ ତାଗ୍ରା ନାଡ଼ିକେ । ଏନ୍ ବିସ୍ବାସ୍ ତିଙ୍ଗ୍ଆରତିକେ ଜେ ଉଡ଼ି ବେଲା ମେଁ ଏପିସିୟନ୍ନିଆ ଲେଃକେ ମେଁ ଜହନ୍ ଗୁଆର୍ଣ୍ଣେ ନିମାଣ୍ଡାସାମୁଆଁ ବାରି ଜହନ୍ନେ ଐକ୍ଲିଗ୍ ଉଲିଆ ମିସେଚେ ଗୁଆର୍ ବକେ ଆତେନ୍ଇଂ, ୧ ଜହନ୍ ୨ ଜହନ୍ ୩ ଜହନ୍ ।

ବୁଦି ଲେଃକେ ତାଗ୍ରେ ବାସଙ୍ଗ୍ ମ୍ୟାକ୍ଣେ ଗୁଲୁଏ ରେମୁଆଁଇଂନେ ବାନ୍ ମଣ୍ଡୁଲି ଗର୍ଦନାନ୍ନେ ସେଫ୍ ତିଙ୍ଗ୍ନେ ବେଲା ଜହନ୍ ସାପା କ୍ରିସ୍ଟିୟାନ୍ଇକେ ଏନ୍ ଉଲିଆ ଗୁଆର୍ ବକେ । ମେଇଂ ବିସ୍ବାସ୍ ତିଙ୍ଗ୍ଆରତିକେ ଜେ ଜିସୁ ସତ୍ରେ ଇସ୍ପର୍, ମାତର୍ ମଞ୍ଚୁପୁର୍ନିଆ ଲେଃନେ ବେଲା ମେଁ ମିଆଁ ଚିଲି ସାଚେ ରେମୁଆଁ ଶୁ । ଜହନ୍ ଜିସୁ କ୍ରିସ୍ଟୁନେ ସତ୍ରେ ସାକି ବାରି ମେଁନେ ତ୍ରି ଜିସୁକେ ଲିଗ୍ ବକେ ସା ମେଁ ଏନ୍ ଗୁଆର୍ଣ୍ଣେ ୧:୧-୩ । ଜହନ୍ ଏନ୍ ଉଲିଆ ଗୁଆର୍ନେ କାରନ୍ ଆମେକେ ସାର୍ଦା ଆଡ଼ିଙ୍ଗ୍ନେ ୧ ଜହନ୍ ୧:୪ ବାରି ବିସ୍ବାସିଇଂକେ ପାପ୍ ବାନ୍ ନିମାଣ୍ଡା ବନ୍ସା ୧ ଜହନ୍ ୨:୧ ବାରି ମିଚ୍ ଗ୍ୟାନ୍ ବାନ୍ ବିସ୍ବାସିଇଂକେ ରକ୍ୟା ବିନ୍ସା ୧ ଜହନ୍ ୨:୨୭ ବାରି ବିସ୍ବାସିଇଂକେ ରକ୍ୟା ତିଙ୍ଗ୍ନେ ସତେଆ ତାଗ୍ରେ ମ୍ୟାନ୍ସା ୫:୧୩ ।

ସାସ୍ତ୍ର ବିତ୍ରେ ଲେଃକେ ସାମୁଆଁଇଂ

୧. ଅଜନ୍ ମେଁନେ ଉଲିଆନେ ପରିଚୟ୍ ବିନେ ଗୁଆର୍ଣ୍ଣେ ବିସୟ୍ ଗୁଆର୍ଣ୍ଣେ । ୧:୧-୪

- ୨. ଇସ୍ରାଏଲ ତିରକମ୍ ତାରକିଗ୍ ଲେଖକେ ବୁଜେ ବଚେ ଜିସୁନେ ରକମ୍ ଜିବନ୍ କାଚେ ନ୍‌ସା ବାସଙ୍ଗତିଂକେ । ୧:୫-୩:୧୦
- ୩. ପରମେସରକେ ଆଲାଦ୍ ତିଙ୍ଗନେ ବିସୟରେ ଆନେକେ ମନେ ଲାଗ୍ ବିଃତିଂକେ । ୩:୧୧-୫:୧୨
- ୪. ମେଁ ନିଜେ ଗୁଆରକ୍ସେ ବନ୍ଦ୍ ଆତିଙ୍ଗକେ । ୫:୧୩-୨୧

ପାରାନ୍ ରକମ୍‌ନେ ବ୍ଲାଲିର୍

୧ ଅଃସେବାନ୍ ଜା ଲେଖକେ ଜାନେ ବ୍ଲାଲିର୍ ନେ ଅଁଲ୍ଲେକେ ଜାଣ୍ଡେକେ ନେନେ ମମ୍‌ଆଃନ୍ନିଆ କେନେଲେଖକେ ଜାଣ୍ଡେକେ ନେନେ ତୁରନେତିଙ୍ଗକେ ବାରି ନିଜର୍ ଛିନ୍ନିଆ ଲିଗ୍‌ନେବକେ । ଆତେନ୍ ପାରାନ୍ ରକମ୍ ବ୍ଲାଲିର୍ ବିସୟରେ ଆପେକେ ଆଅଁ ନେତିଙ୍ଗକେ ।

୨ ☆ଆତେନ୍ ପାରାନ୍ ବାଏରେ ତାରକେ ବାରି ନେ କେନେତିଙ୍ଗକେ ବାରି ସାକି ବିନେତିଙ୍ଗ; ଆଣ୍ଡିନେ ମାଡାନେ ପାରାନ୍ ଆବାନେ ଏତେ ଲେଖକେ । ବାରି ନେଁଲ୍‌ନେ ଡାଗ୍ରା ତାରକେ ମେଁନେ ବିସୟରେ ଆପେକେ ଆଅଁ ନେତିଙ୍ଗ ।

୩ ମେଁନେ ନେ କେନେତିଙ୍ଗକେ ବାରି ଦ୍ରିଗ୍‌ନେତିଙ୍ଗ ଆତେନ୍ ଆପେକେ ତିଗ୍ ଆଅଁ ନେତିଙ୍ଗ ତିରକମ୍ ପେଲ୍‌ନେ ତିଗ୍ ନେଁଲ୍‌ନେ ଏତେ ସାଇଜ ତିଙ୍ଗପାରେ; ବାରି ନେଁଲ୍‌ନେ ସାଇଜନେ ଆବା ବାରି ମେଁନେ ଉଙ୍ଗଡେ ଜିସୁ କିସଟନେ ଏତେ ଲେଖକେ ।

୪ ନେଁଲ୍‌ନେ ସାଦା ତିରକମ୍ ବଡ଼ ତିଙ୍ଗଏ ଏନ୍‌ସା ନେ ଏନ୍‌ସାପା ଆପେକେ ଗୁଆରନେତିଂକେ ।

ଇସ୍ରାଏଲନେ ତାରକିଗ୍

୫ ଇସ୍ରାଏଲନେ ଉଙ୍ଗଡେ ଜିସୁ କିସଟନେ ବାନ୍ ନେନେ ଆଣ୍ଡିନେ ବ୍ଲାଲିର୍ ଅଁଚେ ବାଲିର୍ ନେତିଙ୍ଗ ଆତେନ୍ ତିଂକେ ଇସ୍ରାଏଲ ତାରକିଗ୍ । ମେଁନେ ଡାଗ୍ରା ଚିନା ତିଗ୍ ତାଙ୍ଗକିଗ୍ ଶୁ ।

୬ ମେଁନେ ଏତେ ନେଁଲ୍‌ନେ ସଙ୍ଗସାତି ଲେଖକେ ଡାଗ୍‌ଚେ ବାସଙ୍ଗଚେ ଜଦି ନେ ତାଙ୍ଗକିଗ୍‌ନ୍ନିଆ ବାସା ନେତିଙ୍ଗଏ, ତେଲା ନେ ସାମୁଆଁରେ ବାରି କାମ୍‌ରେ ମିରୁଆ ନେତିଙ୍ଗଏ, ଆରି ସଡ଼ ବେବଆର୍ ତିଂ ନେଃଲେଃ ଶୁ ।

☆ ୧:୨ ଜହନ ୧:୧୪.

୭ ମାତର ଇସ୍‌ପରନେ ରକମ୍ ନେନେ ଜଦି ତାରକିଗ୍ନିଆ ବାସା ନେଲେଏ ନେନେ ନିଜେ ନିଜେ କୁଡ଼େଚେ ନେଲେ୪ଏ ବାରି ମେଁନେ ଉଙ୍ଗଡ଼େ ଜିସୁନେ ମ୍ୟା ନେ ସାପାରେକେ ପାପ୍‌ବାନ୍ ପରଚଲ୍ ଆଃଡ଼ିଙ୍ଗଏ ।

୮ ନେଁଇଁନେ ପାପ୍ ଶୁ ଏନ୍ ଜଦି ନେବାସଙ୍ଗଏ ତେଲା ନିଜେ ନିଜେକେ ନାଲେ ନେଡ଼ିଙ୍ଗକେ ବାରି ନେଇଁନେ ତାଗ୍ରା ସଡ଼ ଶୁ ।

୯ ଜଦି ନେ ନିଜର୍ ନିଜର୍ ପାପ୍ କେମା ନେଡ଼ିଙ୍ଗଏ, ତେଲା ମେଁ ନେଁଇଁନେ ପାପ୍ କେମା ଡ଼ିଙ୍ଗ୍ ନ୍ୟା ଦରମ୍ ବାରି ବିଚାର୍ ତିଂଶ୍ଟେ ।

୧୦ ନେ ପାପ୍ ନେଡ଼ିଙ୍ଗକେ ଶୁ ଏନ୍ ଜଦି ନେବାସଙ୍ଗଏ ତେଲା ନେ ଆମେକେ ମିରୁଆ ଆଡ଼ିଙ୍ଗ୍ ନେଡ଼ିଙ୍ଗ୍ ବାରି ମେଁଇଁନେ ବ୍ଲାଲିର୍ ନେଁଇଁନେ ତାଗ୍ରା ଶୁ ।

୨

ରକ୍ୟା ଡ଼ିଙ୍ଗ୍‌ଶ୍ଟେ ଜିସୁ

୧ ଅ ନେଙ୍ଗନେ ଗଡ଼େଇଁ ଆପେକେ ନେଙ୍ଗନେ ଏନ୍ ଉଲିଆ ଗୁଆରନେ ବିସୟ୍ ଏନ୍ ପଡ଼େଚେ ଡ଼ିରକମ୍ ଆରି ପାପ୍ ପେଡ଼ିଙ୍ଗ୍ ଶୁ । ବାରି ପେଇଁ ଡ଼ିରକମ୍ ପେମ୍ୟାଏ ଜାଣ୍ଟେ ଜଦି ପାପ୍ ଡ଼ିଙ୍ଗ୍‌ଏ ନେ ନ୍ୟା ଇସ୍‌ପରନେ ତାଗ୍ରା କେମା ଡ଼ିଙ୍ଗ୍ ନ୍ୟା ମୁଇଁଜା ମ୍ବାପୁନ୍‌ଏବାନ୍ ରେମୁଆଁ ଲେ୪କେ ମାପୁ ଜିସୁ କିସ୍‌ଟ ।

୨ ଆଡେନ୍ କ୍ରିସ୍ଟୁ ନିଜେ ନେନେ ବାରି ସାପା ରେମୁଆଁ ଜାତିନେ ପାପ୍ କେମା ନ୍ୟା ପାଙ୍ଗ୍ ଲେ୪କେ ।

୩ ଇସ୍‌ପରନେ ଆଦେସ୍ ପାଲନ୍ ଡ଼ିଙ୍ଗ୍‌ନେ ବାନ୍ ନେ ଡ଼ିଲାଡ଼ିଗ୍ ଆମେକେ ମ୍ୟା ନେଲେକେ ।

୪ ଜଦି ଜାଣ୍ଟେ ବାସଙ୍ଗଏ “ନେଙ୍ଗ୍ ପରମେସର୍‌କେ ମ୍ୟାଲ୍ଲେକେ” ମାତର୍ ମେଁନେ ଆଦେସ୍ ପାଲନ୍ ଆଡ଼ିଙ୍ଗ୍ ଶୁ ତେଲା ମେଁ ମୁଇଙ୍ଗ୍ ମିରୁଆ । ମେଁନେ ତାଗ୍ରା ସଡ଼ ଶୁ ।

୫ ତାଗ୍ରା ଜାଣ୍ଟେ ଇସ୍‌ପରନେ ସାମୁଆଁ ପାଲନ୍ ଡ଼ିଙ୍ଗ୍‌ଏ ମେଁନେ ତାଗ୍ରା ଇସ୍‌ପରନେ ଆଲାଦ୍ ସଡେଆ ଲେ୪କେ । ଏନ୍ ବାନ୍ ନେ ନେମ୍ୟାଏ ଜେ ନେ ମେଁନେ ତାଗ୍ରା ନେଲେକେ ।

୬ ପର୍‌ମେସର୍‌ନେ ଏଡେ ନ୍‌ଲେ୪କେ ତାଗ୍‌ଚେ ବାସଙ୍ଗଏ ମେଁ ଜିସୁ କ୍ରିସ୍ଟୁନେ ରକମ୍ ଜିବନ୍‌ଜାପନ୍ ଡ଼ିଙ୍ଗ୍‌ଲେ୪ ।

ମୂନେ ଆଦେସ୍

୭ ✨ ଅ ନିଜର ମୈତରୁଇଁ ନେଜ୍ ପେଇଁନେ ତାଗ୍ରା ମୋଃଡିଗ୍ ମୂ ଆଦେସ୍ ବିସୟରେ ନ୍ନାଗୁଆରକେ ଶୁ ମାତର ଏନ୍ ସାପା ବାଞ୍ଜିର ଆଦେସ୍ ଆଣ୍ଟିନେ ପେ ଅଃସେବାନ୍ ବାପେଲେକେ । ଆଣ୍ଟିନେ ବୁଦି ପେଇଁ ଅପେଲେକେ ଆତେନ୍ ଆଃ ବାଞ୍ଜିର ଆଦେସ୍ ।

୮ ମାତର ଏନ୍କେ ମୁଇଁ ମୂ ଆଦେସ୍ ରକମ୍ ଗୁଆରଣ୍ଟିକେ ଏନ୍ ପେଇଁନେ ତାଗ୍ରା ସତ୍ ତାଗ୍ରେ ନାଏ । ତାଜ୍‌କିଗ୍ ଗୁରେଡିଁକେ ବାରି ସତ୍ ତାରକିଗ୍ ନୂଡିଁକେ ।

୯ ଜାଣ୍ଟେ ନିଜର ବୟାଁକେ ଇଜ୍‌ରେତେ ବାସଜ୍ୟା ଜେ ମୈ ତାରକିଗ୍‌ନିଆ ଲେଃକେ ମୈ ଏଃଜାକ ଡିଗ୍ ତାଜ୍‌କିଗ୍‌ନିଆ ଲେଃକେ ।

୧୦ ଜାଣ୍ଟେ ନିଜର ବିସ୍‌ବାସ୍ ବୟାଁ ବାରି ତନାକେ ଆଲାଦ୍ ଡିଜ୍ୟା ମୈ ତାରକିଗ୍‌ନିଆ ଲେଃଏ ବାରି ମୈନେ ତାଗ୍ରା ଚେପୁଃନେ ମୋଃଡିଗ୍ କାରନ୍ ଆଲେଃ ଶୁ ।

୧୧ ମାତର ଜାଣ୍ଟେ ନିଜର ବୟାଁ ଶୁଲା ତନାକେ ଇଜ୍‌ରେଏ ମୈ ତାଜ୍‌କିଗ୍‌ନିଆ ଲେଃକେ ବାରି ତାଜ୍‌କିଗ୍‌ନିଆ ଅଲେଜ୍‌ରେ ଆଣ୍ଟିପାକା ଝେଡିଜ୍‌କେ ଆତେନ୍ ଆମ୍ୟା ଶୁ ତାଗ୍ଲା ତାଜ୍‌କିଗ୍ ମୈନେ ମ୍‌ମୁଆଃକେ କାନା ଆଡିଜ୍ ବକେ ।

୧୨ ଅ ଇସପର ଗଡେଇଁ, ପେଇଁନେ ତାଗ୍ରା ଗୁଆରଣ୍ଟି, ତାଗ୍ଲା କ୍ରିସୁନେ ମ୍‌ ନ୍ୟା ପେଇଁନେ ପାପ୍ କେମା ଡିଜ୍‌କେ ।

୧୩ ଅ ଆବାଇଁ ନେଜ୍ ପେଇଁନେ ତାଗ୍ରା ଗୁଆରଣ୍ଟି; ତାଗ୍ଲା ଜାଣ୍ଟେ ଅଃସେବାନ୍ ଲେଃକେ ଆମେକେ ପେଇଁ ମ୍ୟା ପେଲେକେ । ଅ ଜିରେଇଁ ନେଜ୍ ପେଇଁନେ ତାଗ୍ରା ଗୁଆରଣ୍ଟି; ତାଗ୍ଲା ପେଇଁ ପାପ୍‌ବାନ୍ ଜିଡେ ପେଲେକେ ।

୧୪ ଅ ଗଡେଇଁ ନେଜ୍ ପେଇଁନେ ତାଗ୍ରା ଏନ୍ ଉଲିଆ ଗୁଆରଣ୍ଟିକେ ତାଗ୍ଲା ପେଇଁ କିତନେ ଆବାକେ ମ୍ୟା ପେଲେକେ । ଏ ଆବାଇଁ ନେଜ୍ ପେଇଁନେ ତାଗ୍ରା ଗୁଆରଣ୍ଟିକେ ତାଗ୍ଲା ଜାଣ୍ଟେ ଅଃସେବାନ୍ ଲେଃକେ ଆମେକେ ପେଇଁ ମ୍ୟା ପେଲେକେ ଏ ଜିରେଇଁ ନେଜ୍ ପେଇଁନେ ତାଗ୍ରା ଗୁଆରଣ୍ଟିକେ ତାଗ୍ଲା ପେଇଁ

ବପୁବାନ୍ ବାରି ଇସପରନେ ବ୍ଲାଲିର୍ ପେଇଂ ଡାଗ୍ରା ଲେଃକେ ବାରି ପେଇଂ ପାପ୍‌ବାନ୍ ଜିତେ ପେଲେକେ ।

ମଞ୍ଚପୁରକେ ଆଲାଦ୍ ଆଡ଼ିଙ୍ଗେପା

୧୫ ପେଇଂ ମଞ୍ଚପୁରକେ ବା ଆଡ଼ ଲେଃକେ ବିସୟ ଇଂକେ ଆଲାଦ୍ ପେଡ଼ିଂ ଶୁ । ଜଦି ଜାଣ୍ଟେ ମଞ୍ଚପୁରକେ ବଲ୍ ବାଏ ତେଲା ଆବାନେ ଆଲାଦ୍ ମୈନେ ଡାଗ୍ରା ଶୁ ।

୧୬ ଡାଗ୍ରା ଗାଗଡ଼େନେ ଲାଲ୍‌ସା ମୁଆଁନେ ଲାଲ୍‌ସା ମଞ୍ଚପୁର ବିସୟ ବାରି ରେମୁଆଁନେ ଗରବ୍ ଏନ୍ ସାପା ବିସୟ ଆବାନେ ଶୁ । ମାତର୍ ମଞ୍ଚପୁରବାନ୍ ପାଙ୍ଗଲେଃକେ ।

୧୭ ମଞ୍ଚପୁର ନସ୍ ତିଙ୍ଗିତିଙ୍ଗେ । ଏନ୍ ଏତେ ମଞ୍ଚପୁରନ୍ନିଆ ଲେଃକେ ବିସୟ ଆଣ୍ଟେଙ୍ଗ୍ ତିଙ୍ଗି ନସ୍ ତିଙ୍ଗିତିଂକେ । ମାତର୍ ଜାଣ୍ଟେ ପରମୋସରନେ ଇକ୍‌ଟା ପାଲନ୍ ତିଙ୍ଗିଏ, ମୈ ମାଡାନେ ଜୁଗ୍ ଜାକ ମୁଲେଃଏ ।

ଜିସୁନେ ସତୁ

୧୮ ଅ ଗଡ଼େଇଂ ତେଃଡାନେ ଜୁଗ୍ ପିଙ୍ଗିଟା ତିଙ୍ଗିକେ । କ୍ରିଷ୍ଟନେ ସତୁ ପାଙ୍ଗନେ ବେଲା ତିଙ୍ଗିତିଙ୍ଗେ ଡାଗ୍ରାତେ ଅପେଲେକେ; କିସଟନେ ଗୁଲୁଏ ସତୁ ଏବେ ନ୍‌ଡାତିଂକେ; ସତେଆ ତେଃଡାନେ ଜୁଗ୍ ଡାଗ୍ରା ପିଙ୍ଗିଟାତିଙ୍ଗେ ଡାଗ୍ରାତେ ନେ ମ୍ୟାନେଲେକେ ।

୧୯ ଆକମେଇଂ ସଡ଼ରେ ନେନେ କୁଦାନେ ରେମୁଆଁ ଶୁ ଆଡେନ୍ ସା କ୍ଲେଇଂ ଆନେକେ ଆଡାର୍ ବିବ ଆକେ ନେନେ କୁଦାନେ ତିଙ୍ଗିଲେଲା ମେଇଂ ନେନେ ଏତେ ପାଲେଆରଏ; ନେବାନ୍ ସ୍ଲୁ ଝେନେବାନ୍ ମେଇଂ ନେନେ କୁଦାନେ ଶୁ ଡାଗ୍ରାତେ ଟିକ୍ ବାବ୍‌ରେ ଜାନାପଡ଼େଲେଃକେ ।

୨୦ ବାରି ପେଇଂ ଆଡେନ୍ ପବିତ୍ର ରେମୁଆଁବାନ୍ ଦିକ୍ୟା ତିଙ୍ଗି ପେଲେଃକେସା ପେ ସାପାରେ ବୁଦି ବା ପେଲେକେ ।

୨୧ ନେଙ୍ଗ୍ ପେଇଂନେ ଡାଗ୍ରା ଗୁଆରନେ କାରନ୍ ତିଙ୍ଗିକେ ? ପେଇଂ ସଡ଼କେ ମ୍ୟା ପେଲେକେସା ନେଙ୍ଗ୍ ଜେ ପେଇଂନେ ଡାଗ୍ରା ଗୁଆରଣ୍ଟିକେ ଆଡାନ୍ ଶୁ । ମାତର୍ ପେଇଂ ସଡ଼କେ ମ୍ୟାପେଲେକେ ଡାଗ୍ରାତେ ଏନ୍ ଗୁଆରଣ୍ଟି ?

୨୭ ତେଲା ନାଲେ ବାସଙ୍ଗ୍‌ଣ୍ଡେ ଜାଣ୍ଡେ ? ଜିସୁକେ ଉଦାର କର୍ତ୍ତା କିସ୍ତ ତାଗ୍‌ରେ ଜାଣ୍ଡେ ଆବାସଙ୍ଗ୍ ଶୁ ମେଁ ମିର୍ ବାସଙ୍ଗ୍‌ଣ୍ଡେ । ବାରି ମେଁ କ୍ରିସ୍ତୁନେ ସତ୍ତୁ ଆବା ଇସ୍‌ପରନେ ବାରି ମେଁନେ ଉଙ୍ଗ୍‌ଡେ ଜିସୁ ମ୍ବାୟାକେ ମେଁ ଗ୍ରଅନ୍ ଆଡିଙ୍ଗ୍ ଶୁ ।

୨୮ ଆଣ୍ଡିନେ ରେମୁଆଁ ଉଙ୍ଗ୍‌ଡେକେ ଗ୍ରଅନ୍ ଆଡିଙ୍ଗ୍ ଶୁ ମେଁ ଆବାକେ ତିଗ୍ ଗ୍ରଅନ୍ ଆଡିଙ୍ଗ୍ ଶୁ । ଆଣ୍ଡିନେ ରେମୁଆଁ ଉଙ୍ଗ୍‌ଡେକେ ଗ୍ରଅନ୍ ଡିଙ୍ଗ୍‌ଏ ମେଁ ମ୍ବା୪ ଆବାକେ ତିଙ୍ଗ୍ ଗ୍ରଅନ୍ ଡିଙ୍ଗ୍‌ଏ ।

୨୯ ପେଇଂ ଅଃସେବାନ୍ ଆଣ୍ଡିନେ ବୁଦି ବାପେଲେକେ ଆତେନ୍ ପାଲନ୍ ଡିଙ୍ଗ୍‌ପା । ପେ ଜଦି ଆତେନ୍ ବୁଦି ଅନୁସାରେ ପେରୁଆ ପେଡୁକେ୪ଏ ତେଲା ଆବା ପରମେସର୍ ବାରି ଉଙ୍ଗ୍‌ଡେନେ ତାଗ୍ରା ପେଲେ୪ଏ ।

୩୦ ଉଙ୍ଗ୍‌ଡେ ଆନେକେ ଏନ୍ ମାଡାନେ ପାରାନ୍ ମ୍ବିଏ ତାଗ୍‌ରେ ପାରମାନ୍ ଡିଙ୍ଗ୍ ବକେ ।

୩୧ ଜାଣ୍ଡେଇଂ ଆପେକେ ବାୟା ଆଡିଙ୍ଗ୍ ନ୍‌ସା ଚେସ୍‌ଟା ଡିଙ୍ଗ୍ ଆରଏ ମେଁଇଂନେ ବିସୟରେ ନେଙ୍ଗ୍ ପେଇଂନେ ତାଗ୍ରା ଏନ୍ ସାପା ଗୁଆରମ୍‌କେ ।

୩୨ ଆପେକେ କିସ୍ତ ଜିସୁ ମେଁନେ ପବିତ୍ର ଆମ୍ବାନ୍ନିଆ ବର୍ତ୍ ଆଡିଙ୍ଗ୍‌ବକେ । ଆଣ୍ଡି ଜାକ ଏନ୍ ଆମ୍ବା ପେନେ ଆମ୍ବାନ୍ନିଆ ଲେ୪ଏ, ମେଇଂନେ ସିକ୍ୟା ମିର୍ ଶୁ ବୁଦି ଗ୍ରଅନ୍ ଡିଙ୍ଗ୍‌ନେ ପେନେ ଦରକାର୍ ଶୁ । ପବିତ୍ର ଆମ୍ବା ଆପେକେ ସାପା ବିସୟରେ ନିମାଣ୍ଡା ବୁଦି ବିଏ, ମେଁନେ ବୁଦି ମିର୍ ଶୁ । ଆତେନ୍ ଆମ୍ବାନେ ବୁଦି ପାଲନ୍ ଡିଙ୍ଗ୍‌ରେ କିସ୍ତନେ ଏଡେ ମିସେଚେ ଲାଲାପା ।

୩୩ ଏ ଗଡେଇଂ କ୍ରିସ୍ତୁନେ ତାଗ୍ରା ମିସେଚେ ଲାଲାପା ତେଲା ମେଁ ଉଡିବେଲା ପାଙ୍ଗ୍‌ଏ ପେ ମାବ୍‌ଟକୁଟା ମେଁନେ ସାମ୍‌ନା ଡିଙ୍ଗ୍ ପେୟାଏ ଆତେନ୍ ଦିନା ପେଇଂ ଗିଆସ ପେଡିଙ୍ଗ୍ ଶୁ ।

୩୪ ନେ ମ୍ୟା ନେଲେକେ ଜେ କ୍ରିସ୍ତୁ ନ୍ୟାୟ୍ ବିଃଣ୍ଡେ । ଏନ୍ ତିଗ୍ ନେ ମ୍ୟାନେ ନେଲେକେ ଜେ ଜାଣ୍ଡେଇଂ ସଡକାମ୍ ଡିଙ୍ଗ୍‌ଆରଏ ମେଇଂ ଇସ୍‌ପରନେ ଗଡେଇଂ ।

୩

ଇସ୍‌ପରନେ ଉଙ୍ଗ୍‌ଡେ

୧ ✨ ଇସ୍‌ପର ଆନେକେ ଉଡ଼ି ଆଲାଦ୍ ଡିଙ୍ଗିକେ ଇକୁଡ଼ା ଚିନ୍ତା ଡିଂକେଲାପା । ନେନେ ଆଡ଼ାତ୍ରା ମେଁନେ ଆଲାଦ୍ ଅଃକେନ୍ ଜାବର୍ ଜେ ନେ ମେଁନେ ଉଙ୍ଗଡେ ଡାଗ୍‌ରେ ମ୍‌ଲେଃକେ । ସତେଆ ନେନେ ମେଁନେ ଉଙ୍ଗଡେ ତେସା ମଞ୍ଚପୁର୍ ଇସ୍‌ପରକେ ମ୍ୟା ଆଲେଃଲା ଆନେକେ ତିଗ୍ ସାମୁଆଁ ଆୟାକେ ଶୁ ।

୨ ଅ ନିଜର୍ ମେଁତରଇଂ, ଏବେ ନେ ସାପା ଇସ୍‌ପରନେ ଉଙ୍ଗଡେ, ମାତର୍ ଇଡ଼ିଂଡେ ମେଃନେ ନେଡିଙ୍ଗ୍, ଏନ୍ ସାମୁଆଁ ବାରି ତାର୍ କାରେ । ଅଃକେନ୍ ମାତର୍ ନେ ମ୍ୟା ନେଲେଃ ଉଡ଼ିବେଲା କ୍ରିଷ୍ଟୁ ଆର୍‌ମୁଇଂତର୍ ପାଙ୍ଗ୍, ନେ ମେଁନେ ସତେଆଃ ରୁପ୍ କେଚେ ମେଁନେ ସୁଗା ନେଡିଙ୍ଗ୍ ।

୩ ଜାଣ୍ଡେଇଂ କ୍ରିଷ୍ଟୁନେ ତାଗ୍ରା ଏନ୍ ଆସା ବାଆରକେ, ମେଇଂ କ୍ରିଷ୍ଟୁନେ ରକମ୍ ନିଜେକେ ପବିତ୍ର ଆଃଡିଙ୍ଗ୍‌ଚେ ବଆର୍‌ଏ ।

୪ ଜାଣ୍ଡେ କି ପାପ୍ ଡିଙ୍ଗ୍‌ଏ ମେଁ ଇସ୍‌ପରନେ ଆଦେସ୍ ଅମାନି ଡିଙ୍ଗ୍‌ଏ, ତାଗ୍ରା ପାପ୍‌ନେ ଅର୍‌ଡ ଡିଙ୍ଗ୍‌କେ ଆଦେସ୍ ଅମାନି ।

୫ ✨ ଏନ୍ ପେଇଂ ମ୍ୟା ପେଲେଃକେ ଜେ ନେଁଇଂନେ ପାପ୍ ତୁଂଡ ନ୍‌ସା କ୍ରିଷ୍ଟୁ ପାଙ୍ଗ୍‌ଲେଃକେ ବାରି ମେଁନେ ତାଗ୍ରା ପାପ୍ ଆଲେଃକେ ଶୁ ।

୬ ଜାଣ୍ଡେ କି ମେଁନେ ତାଗ୍ରା ଲେଃଏ ମେଁ ପାପ୍ ଆଡିଙ୍ଗ୍ ଶୁ; ଜାଣ୍ଡେ କି ପାପ୍ ଡିଙ୍ଗ୍‌ଏ ମେଁ ଆମେକେ ଅଃନା ଆକେ ଶୁ ଶୁଲା ଆମେକେ ଆମ୍ୟା ଶୁ ।

୭ ଏ ଗଡ଼େଇଂ ଜାଣ୍ଡେ ଅପେଃକେ ବାୟା ଆରାଡିଙ୍ଗ୍‌ଲେ; ଜାଣ୍ଡେ ସଡ଼ କାମ୍ ଡିଙ୍ଗ୍‌ଏ କ୍ରିଷ୍ଟୁ ତିରକମ୍ ଦରମ୍ ଲେଃକେ ମେଃଡିଗ୍ ଦେଡ଼ ରକମ୍ ଦରମ୍ ଡିଙ୍ଗ୍‌ଏ ।

୮ ଜାଣ୍ଡେ ପାପ୍ ଡିଙ୍ଗ୍‌ଏ ମେଁ ସୟତାନ୍ ବାନ୍ ଜନମ୍ ତାଗ୍ରା ସୟତାନ୍ ଅଃସେବାନ୍ ପାପ୍ ଡିଙ୍ଗ୍ ପାଙ୍ଗ୍‌କେ । ସୟତାନ୍‌ନେ କାମ୍ ନଷ୍ଟୁ ଆଡିଙ୍ଗ୍ ନ୍‌ସା ଇସ୍‌ପର୍ ଉଙ୍ଗଡେ ଜନମ୍ ପାଙ୍ଗ୍‌କେ ।

୯ ଜା ଇସ୍‌ପରନେ ରେମୁଆଁ ମେଁ ପାପ୍ ଅଃନା ଆଡିଙ୍ଗ୍ ଶୁ । ତାଗ୍ରା ମେଁ ଇସ୍‌ପରନେ ଗଡ଼େଅ ବାରି ମେଁ ଇସ୍‌ପର୍ ବାନ୍ ଜନମ୍ ଡିଙ୍ଗ୍‌ଲେଃକେସା ପାପ୍ ଡିଙ୍ଗ୍ ଆୟା ଶୁ ।

୧୦ ଏନ୍‌ବାନ୍ ଜାଣ୍ଡେ ଇସ୍‌ପରନେ ଉଙ୍ଗ୍‌ଡେ ଡିଙ୍ଗ୍‌ଏ ବାରି ସୟତାନନେ ଉଙ୍ଗ୍‌ଡେ ଡିଙ୍ଗ୍‌ଏ ଆକେନ୍ ନ୍‌ଏ; ଜାଣ୍ଡେ କି ଦରମ୍ କରମ୍ ଆଡିଙ୍ଗ୍ ଶୁ ଶୁଲା ବିସବାସି ବୟାଁ ତନାକେ ଆଲାଦ୍ ଆଡିଙ୍ଗ୍ ଶୁ ମେଁ ଇସ୍‌ପରନେ ବାନ୍ ଜନମ୍ ଶୁ ।

ମୁଇଂଜା ବିନ୍ ମୁଇଂଜାକେ ଆଲାଦ୍ ଡିଙ୍ଗ୍‌ପା

୧୧ ☆ ମୁଇଂଜା ବିନ୍ ମୁଇଂଜାକେ ଆଲାଦ୍ ତିଂନେ ଦରକାର୍ ଆକେନ୍ ସାମୁଆଁ ଅସେବାନ୍ ଅନେଲେଃକେ ।

୧୨ ପାପ୍ ଆମ୍‌ନେ ଗଡେଅ ଜେ କୟିନ ମେଁନେ ରକମ୍ ଆଡିଙ୍ଗେପା ମେଁ ନିଜର୍ ବୟାଁକେ ବାଗୁଏଃକେ; ବାରି ମେଁ ଆମେକେ ମେନ୍‌ସା ବାଗୁଏଃକେ ? ଡାଗ୍ଲା ଦେକ୍ ଜେ ମେଁନେ କାମ୍ ପାପ୍ ଲେଃକେ ବାରି ମେଁନେ ବୟାଁନେ କାମ୍ ଦରମ୍ ଲେଃକେ ।

୧୩ ଏ ନେଙ୍ଗନେ ବୟାଁ ତନାଇଂ ମଞ୍ଚପୁରନେ ରେମୁଆଁ ଆପେକେ ଇଙ୍ଗ୍‌ଚେଲା ଆକ୍‌ବାନ୍ କାବା ଆଡିଙ୍ଗ୍‌ପା ।

୧୪ ☆ ଜଦି ନେ କିସଟ ବୟାଁ ତନାଇଂକେ ଆଲାଦ୍ ତିଂନେତିଂକେ ନେ ମ୍ୟା ନେଲେଃକେ ଜେ ନେ ଗୁଏନେ ଜିଡେଚେ ଜିବନ୍ ବାନେଲେଃକେ । ଜାଣ୍ଡେ ଆଲାଦ୍ ଆଡିଂ ଶୁ ମେଁ ଏବେ ତିଗ୍ ଗୁଏକ୍ଲେ ସମାନ୍ ।

୧୫ ଜାଣ୍ଡେ ମେଁନେ ବୟାଁଣ୍ଡେକେ ଇଙ୍ଗ୍‌ଚେଲା ମେଁ ମୁଇଙ୍ଗ୍ ରେମୁଆଁ ବାଗୁଏଃକେ । ରେମୁଆଁ ବାଗୁଏଃକେ ମାତାନେ ଜିବନ୍ ଆଲେଃ ଶୁ ଡାଗ୍‌ଚେ ପେ ମ୍ୟାପେଲେକେ ।

୧୬ ଜିସୁ ନେନ୍‌ସା ନିଜର୍ ପାରାନ୍ ବିଃକ୍ଲେ ବାନ୍ ନେ ଆଲାଦ୍ ଗିଆନ୍ ବାନେଲେଃକେ । ନେ ତିଗ୍ ନିଜର୍ ବୟାଁଇଂ ନ୍‌ସା ପାରାନ୍ ବିନେ ଦରକାର୍ ।

୧୭ ଜାଗତିକ ବାବ୍‌ରେ ଜଦି ମୁଇଂ ସାଉକାର୍ ରେମୁଆଁ ନିଜର୍ ବୟାଁନେ ଅସ୍‌ବିଦା ଅବସ୍ତା କେଚେ ତିଗ୍ ଆମେକେ ସାଇଜ ଆଡିଙ୍ଗ୍ ଶୁ ମେଁନେ ଗର୍‌ବେନିଆ ପର୍‌ମେସର୍‌ନେ ଆଲାଦ୍ ଶୁ ।

୧୮ ଗଡେଇଂ ନେନେ ଆଲାଦ୍ ସାମୁଆଁନିଆ ବାରି ସାମୁଆଁ ଦ୍ରିଗ୍‌ନିଆ ନ୍‌ଲା ଜାବର୍ ଆଡିଙ୍ଗ୍ ଶୁ; ଆମେକେ କାମ୍‌ନିଆ ଆରି ସଡ୍ ବାବ୍‌ରେ ଆଲାଦ୍ ଆସୁଏ ଲେଃକେ ?

୧୯ ଆତେନ୍ ନେଡ଼ିଂଲା, ନେ ଜେ ସତ୍ତ୍ୱେ ଗଡ଼େଇଂ, ଆକେନ୍ ନେମ୍ୟାଃଏ ।

୨୦ ବାରି ମୋଃଡ଼ିଗ୍ ବିସ୍ତ୍ରେ ନେଁଇଂନେ ଗାଗଡ଼େ ଆନେକେ ଦସ୍ ଆଃଡ଼ିଙ୍ଗ୍ ଆତେନ୍ ବିସ୍ତ୍ରେ ଆଡ଼ବାନ୍ ମେଁନେ ଡାଗ୍ରା ପେଇଂନେ ଗାଗଡ଼େ ନିମାଣ୍ଡା ଆଡ଼ିଙ୍ଗ୍ ଯାଏ; ଡାଗ୍ଲା ଇସ୍ପର୍ ନେଁଇଂନେ ଗାଗଡ଼େ ବାନ୍ ମ୍ମା ବାରି ମେଁ ସାପା ମ୍ୟାଏ ।

୨୧ ଅ ନିଜର୍ ମେଁଡ଼ର୍ଇଂ ନେ ଗର୍ବେ ଜଦି ଆନେକେ ଦସି ଆଡ଼ିଙ୍ଗ୍ ଶୁ ତେଲା ପରମେସ୍ତ୍ରେନେ ଡାଗ୍ରା ନେଁଇଂନେ ସାପା ଆସା ଲେଃକେ ।

୨୨ ବାରି ଆମେକେ ମେଃନେ ସାଲ୍ୟାଏ, ମେଁ ଆତାନ୍ ଦାନ୍ ଡିଙ୍ଗ୍ଏ, ଡାଗ୍ଲା ନେ ମେଁନେ ଆଦେସ୍ ପାଲନ୍ ନେଡ଼ିଙ୍ଗ୍ଏ ବାରି ମେଁନେ ମ୍ମୁଆଃଡ଼ିଆ ଆଣ୍ଡିନେ ନିମାଣ୍ଡା ଆତାନ୍ ଡିଙ୍ଗ୍ନେଡ଼ିଙ୍ଗ୍କେ ।

୨୩ ☆ନେନେ ଆଡ଼ାଡ଼ା ମେଁନେ ଆଦେସ୍ ତିଂତିଂକେ: ମେଁନେ ଉଂଡେ ଜିସ୍ତ୍ କିସ୍ତ୍ରେ ମ୍ମୁଆ ଡିଙ୍ଗ୍ଏ ବିସ୍ତ୍ରେ ତିଂନେ ବାରି କିସ୍ତ୍ରେ ଆଦେସ୍ ଅନୁସାରେ ମୁଇଂଜା ବିନ୍ ମୁଇଂଜାକେ ଆଲାଦ୍ ନେଃଡ଼ିଂ ।

୨୪ ଜାଣ୍ଡେ ମେଁନେ ଆଦେସ୍ ପାଲନ୍ ଡିଙ୍ଗ୍ଏ, ମେଁ ମେଁନେ ଡାଗ୍ରା ଲେଃଏ ବାରି ମେଁ ମେଁ ଡାଗ୍ରା ଲେଃଏ; ବାରି ମେଁ ଡିଗ୍ ନେଁଇଂନେ ଡାଗ୍ରା ଲେଃଏ ଏନ୍ ନେ ମେଁ ବିଃବକ୍ସେ ଆମ୍ମାନେ ବାନ୍ ମ୍ୟାନେଡ଼ିଙ୍ଗ୍କେ ।

୪

ଇସ୍ପର୍ନେ ଆମ୍ମା ବାରି ମିଚ୍ ଆମ୍ମା

୧ ଅ ନିଜର୍ ମେଁଡ଼ର୍ଇଂ ଇସ୍ପର୍ନେ ଆମ୍ମାନେ ବାଲେଃକେ ଡାଗ୍ରେ ଜାଣ୍ଡେ ବାସଙ୍ଗ୍ଆର୍ଏ, ଆତାନ୍ ସାପାରେକେ ବିସ୍ତ୍ରେ ଆଡ଼ିଙ୍ଗ୍ପା ମେଇଂ ବାଲେଃକ୍ସେ ଆମ୍ମା ସତ୍ତ୍ୱେ ଇସ୍ପର୍ନେ ବାନ୍ ପାଙ୍ଗ୍ଲେକ୍ସେ ଶୁ: ସେନୁଗ୍ ପରିକ୍ୟା ଡିଙ୍ଗ୍ କେଲାପା । ଡାଗ୍ଲା ମାଞ୍ଚୁର୍ଡ଼ିଆ ଗୁଲୁଏ ବଣ୍ଡ ବାବବାଦି ତାର୍ଲେଃଆକେ ।

୨ ମେଇଂ ଇସ୍ପର୍ନେ ଆମ୍ମା ବାଲେଃକ୍ସେ ଶୁ ଆତେନ୍ ମ୍ୟାନେ ଉପାୟ ଡିଙ୍ଗ୍କେ: ଆଣ୍ଡିନେ ରେମୁଆଁ ଡାଗ୍ରା ଇସ୍ପର୍ନେ ଆମ୍ମା ଲେଃକେ ମେଁ କୁଲାକୁଲି ବାବ୍ରେ ବାସଙ୍ଗ୍ଏ ଜେ ଜିସ୍ତ୍ କିସ୍ତ୍ରେ ରେମୁଆଁ ରକମ୍ ପାଙ୍ଗ୍ ଲେଃକେ ।

☆ ୩:୨୩ ଜହନ ୧୩:୩୪; ୧୫:୧୨,୧୭.

୩ ତାଗ୍ଲା ଜାଣ୍ଡେ ଜିସୁନେ ବିସୟରେ ଏନ୍ ସାମୁଆଁ ଗ୍ରଥନ ଆଡ଼ିଙ୍ଗ୍ ଶୁ ମେଁ ଆନା ଡିଗ୍ ଇସପରନେ ଆମ୍ବା ବା ଆଲେ ଶୁ । କିସଟନେ ସତୁବାନ୍ ମେଁ ଆଡେନ୍ ଆମ୍ବା ବାଲେଃକେ ଏନ୍ ଆମ୍ବାନେ ପାଙ୍ଗ୍ନେ ବିସୟରେ ପେ ଅଁପେଲେକେ ଆଡେନ୍ ଏକ୍ରେ ଏନ୍ ମଞ୍ଚପୁରନ୍ନିଆ ପାଙ୍ଗ୍ଲେଃକେ ।

୪ ଆଲାଦ୍ନେ ଗଡ଼େଇଂ, ପେଇଂ ଇସପରନେ । ଆଡେନ୍ ବଣ୍ଡ ବାବବାଦିଇଂକେ ପେ ଜିଡେ ପେଲେକେ ତାଗ୍ଲା ପେନେ ତାଗ୍ଲା ବାସା ଲେଃକେ ଇସପରନେ ଆମ୍ବା, ସଂସାରନେ ରେମୁଆଁଇଂ ଆମ୍ବାବାନ୍ ଜାବର ବପୁ ।

୫ ବଣ୍ଡ ବାବବାଦିଇଂ ଏନ୍ ମଞ୍ଚପୁରନେ ମେଇଂ ମଞ୍ଚପୁରନେ ସାମୁଆଁ ବାସଙ୍ଗ୍ ଅଲେଙ୍ଗ୍ଡିଂକେ । ରେମୁଆଁଇଂ ମେଁଇଂନେ ସାମୁଆଁ ଅଁଆରଡିଂକେ ।

୬ ମାତର୍ ନେ ଇସପରନେ । ଜାଣ୍ଡେ କି ଇସପରକେ ମ୍ୟାଏ ମେଁ ନେଁଇଂନେ ସାମୁଆଁ ଅଁଏ । ଜାଣ୍ଡେଇଂ ଇସପରନେ ଶୁ ମେଇଂ ନେନେ ସାମୁଆଁ ଆଅଁଆର ଶୁ । ଆକବାନ୍ ସଡ଼ ଆମ୍ବା ବାରି ମିର୍ ଆମ୍ବା ବିଡ୍ରେ ଅଲ୍ଗା ନେ ମ୍ୟା ନେୟାଏ ।

ନିଜର୍ ନିଜର୍ ବିଡ୍ରେ ଆଲାଦ୍ ଡିଂପା

୭ ନିଜର୍ ମେଁଡରଇଂ ! ଏଲାପା ନିଜର୍ ନିଜର୍ ବିଡ୍ରେ ଆଲାଦ୍ ଡିଙ୍ଗ୍ପା, ତାଗ୍ଲା ଆଲାଦ୍ ଇସପରନେ ବାନ୍ ଜନମ୍ । ଜାଣ୍ଡେନେ ଗର୍ବେ ଆଲାଦ୍ ଲେଃକେ, ମେଁ ଇସପରନେ ଉଙ୍ଗ୍ଡେ ମେଁ ଇସପରକେ ମ୍ୟାଏ ।

୮ ଜାଣ୍ଡେ ଆଲାଦ୍ ଆଡ଼ିଙ୍ଗ୍ ଶୁ ମେଁ ଇସପରକେ ଆମ୍ୟା ଶୁ ତାଗ୍ଲା ଇସପର ଡି ଆଲାଦ୍ ।

୯ ଦେକରକମ୍ ବାବରେ ପରମେସର୍ ଆନେକେ ମେଁନେ ଆଲାଦ୍ ବିବକେ ଜେ ମେଁ ନିଜରନେ ମୁଇଂ ଆଃ ଉଙ୍ଗ୍ଡେକେ ମଞ୍ଚପୁରନ୍ନିଆ ବେବକେ ଡିରକମ୍ ନେ ମେଁନେ ବାନ୍ ଅଃନା ମାଡାନେ ଜିବନ୍ ନେବାଏ ।

୧୦ ନେ ପରମେସର୍କେ ଆଲାଦ୍ ନେଡିଙ୍ଗ୍କେ ଆଡେନ୍ ଶୁ ମାତର୍ ମେଁ ଆନେକେ ଆଲାଦ୍ ଡିଙ୍ଗ୍କେ ଆକେନ୍ ଡିଙ୍ଗ୍କେ ସଡ଼ ଆଲାଦ୍ । ବାରି ନିଜର୍ ଉଙ୍ଗ୍ଡେକେ ନେନେ ପାପ୍ ମୁକ୍ତି ଆଡ଼ିଙ୍ଗ୍ ନ୍ୟା ବେବକେ ।

୧୧ ଅ ନିଜର ମୈତରଇଂ ଇସ୍ପର ଜଦି ଆନେଃକେ ଆଲାଦ୍ ତିଂତିଂକେ ତେଲା ନେ ତିଗ୍ ଦେକ୍‌ରକମ୍ ଆଲାଦ୍ ନେଃଡ଼ିଂପା ।

୧୨ ☆ଇସ୍ପରକେ ଅଃନା ଜାଣ୍ଡେ ଆକେକେ ଶୁ ମାତର୍ ନେ ଜଦି ନିଜର ନିଜର ବିତ୍ରେ ଆଲାଦ୍ ନେଡ଼ିଙ୍ଗ୍, ଇସ୍ପର ନେଁ ତାଗ୍ରା ବାସା ଲେଃଏ ବାରି ନେଁ ତାଗ୍ରା ମେଁନେ ଆଲାଦ୍ ନିମାଣ୍ଡା ଲେଃଏ ।

୧୩ ନେ ଜେ ମେଁନେ ତାଗ୍ରା ନେଲେକେ ବାରି ମେଁ ନେଁଇଂନେ ତାଗ୍ରା ଲେଃକେ ଏନ୍ ନେ ମ୍ୟାନେଲେକେ ମାତର୍ ପର୍ମେସର୍ ମେଁନେ ପବିତ୍ର ଆମ୍ବାକେ ବିବକେ ।

୧୪ ଆବା ଜେ ଉଙ୍ଗ୍‌ତେକେ ମଞ୍ଚୁପୁରନେ ଆମ୍ବୁଣ୍ଡେ ତିଗ୍ ନସା ବେବକେ ଏନ୍ ନେ କେନେଡ଼ିଙ୍ଗ୍‌କେ ବାରି ସାକି ବିଃନେଡ଼ିଙ୍ଗ୍‌କେ ।

୧୫ ଜାଣ୍ଡେକି ଜିସୁକେ ଇସ୍ପରନେ ଉଙ୍ଗ୍‌ତେ ତାଗ୍ରାତେ ଗ୍ରାଅନ୍ ତିଙ୍ଗ୍ ଇସ୍ପର ମେଁନେ ତାଗ୍ରା ଲେଃକେ ବାରି ମେଁ ଇସ୍ପରନେ ତାଗ୍ରା ଲେଃକେ ।

୧୬ ବାରି ନେଁଇଂନେ ବିତ୍ରେ ଇସ୍ପରନେ ଆଣ୍ଡିନେ ଆଲାଦ୍ ଲେଃକେ ଆତେନ୍ ନେ ମ୍ୟାନେଲେକେ ବାରି ବିସ୍‌ବାସ୍ ତିଙ୍ଗ୍‌ନେବକେ ।

ଇସ୍ପର ଲେଃ ଆଲାଦ୍; ଜାଣ୍ଡେ ଆଲାଦ୍‌ରେ ଲେଃଏ ମେଁ ଇସ୍ପରନେ ତାଗ୍ରା ଲେଃଏ ବାରି ଇସ୍ପର ମେଁନେ ତାଗ୍ରା ଲେଃଏ ।

୧୭ ଇସ୍ପର ରକମ୍ ଜିବନ୍ କାଚେନେ ବାନ୍ ଇସ୍ପର ଆଲାଦ୍ ନେ ବିତ୍ରେ ଜନମ୍‌ବାନ୍ ଦର୍ମ ରୁଦି ତିଙ୍ଗ୍‌ଲେଃକେ ବିଚାର୍ ଦିନ୍ ବେଲା ନେ ସାଆସ୍ ନେବାଏ ମାତର୍ ମେଁ ତିରକମ୍ ଲେଃକେ ନେ ତିଗ୍ ଏନ୍ ମଞ୍ଚୁପୁରନ୍ନିଆ ଦେଡ଼ରକମ୍ ନେଲେକେ ।

୧୮ ଆଣ୍ଡିଅରିଆ ଆଲାଦ୍ ଲେଃକେ ଆଡ଼ଅରିଆ ବୁଟମେଗ୍ ଆଲେଣ୍ଡୁ । ଜନମ୍‌ବାନ୍ ଦର୍ମ ରୁଦି ଆଲାଦ୍ ସାପା ବୁଟମେଗ୍‌କେ ସୁ ଆଃଡ଼ିଙ୍ଗ୍ । ଜାଣ୍ଡେ ବୁଟମେଗ୍‌ଏ ମେଁନେ ତାଗ୍ରା ଆଲାଦ୍ ଜନମ୍‌ବାନ୍ ଦର୍ମ ରୁଦି ଆଡ଼ିଙ୍ଗ୍‌କେ ଶୁ; ତାଗ୍ଲା ଡ଼ଣ୍ଡ ବାନେ ବୁଟମେଗ୍ ମେଁନେ ତାଗ୍ରା ବାରି ଲେଃକେ ।

୧୯ ନେ ଆଲାଦ୍ ତିଙ୍ଗ୍‌ନେ ମ୍ୟାନେଲେକେ ତାଗ୍ଲା ଇସ୍ପର ଆଃ ସେନୁଗ୍ ଆନେକେ ଆଲାଦ୍ ତିଙ୍ଗ୍‌ବକେ ।

୨୦ ଇସ୍ପରକେ ଆଲାଦ୍ ତିଙ୍ଗ୍‌ତିଂକେ ତାଗ୍ରାତେ ଜଦି ଜାଣ୍ଡେ ବାସଙ୍ଗ୍ ମାତର୍ ନିଜର ବିସ୍‌ବାସି ବୟ୍ଲା ବାରି ତନାଇଂକେ ଜା

ଜଦି ଇଂରେଏ ତେଲା ମେଁ ମିର୍ ରେମୁଆଁ ତେଲା ଆଣ୍ଟିନେ ବୟାକେ କେପେଲେଃକେ ଜଦି ଆମେକେ ଜାଣ୍ଟେ ଆଲାଦ୍ ଆଡିଙ୍ଗ୍ ଶୁ ତେଲା ଆଣ୍ଟିନେ ଇସ୍ପର୍ବକେ ମେଁ ଆକେକେ ଶୁ ଆମେକେ ଆଲାଦ୍ ଡିଙ୍ଗ୍ ଆୟା ଶୁ ।

^{୨୧} ଜାଣ୍ଟେ ଇସ୍ପର୍ବକେ ଆଲାଦ୍ ଡିଙ୍ଗ୍ ମେଁ ନିଜର୍ ବୟା ବାରି ତନାକେ ଡିଙ୍ଗ୍ ଆଲାଦ୍ ଡିଙ୍ଗ୍ ଆକେନ୍ ଆଦେସ୍ ନେଃ ମେଁନେବାନ୍ ବାନେଲେଃକେ ।

୫

ମଞ୍ଚପୁର ଆଡାଡା ଜିତେନେ

^୧ ଜାଣ୍ଟେ ଜିସୁକେ କିସ୍ତ ତାଗ୍ରେ ବିସ୍ବାସ୍ ଡିଙ୍ଗ୍ ମେଁ ଇସ୍ପର୍ବନେ ଉଙ୍ଗ୍ଡେ । ଜାଣ୍ଟେକି ମୁଇଙ୍ଗ୍ ଆବାକେ ଆଲାଦ୍ ଡିଙ୍ଗ୍ ଆତେନ୍ ଆବାନେ ଉଙ୍ଗ୍ଡେକେ ଡିଗ୍ ମେଁ ଆଲାଦ୍ ଡିଙ୍ଗ୍ ।

^୨ ନେ ଉଡିବେଲା ଇସ୍ପର୍ବକେ ଆଲାଦ୍ ନେଡିଙ୍ଗ୍ ବାରି ମେଁନେ ଆଦେସ୍ ପାଲନ୍ ନେଡିଙ୍ଗ୍ ଆତେନ୍ ବେଲା ତେନବାନ୍ ମ୍ୟା ନେୟାଏ ଜେ ନେ ଇସ୍ପର୍ବନେ ଉଂଡେଇଂକେ ଆଲାଦ୍ ଡିଙ୍ଗ୍ନେଡିଙ୍ଗ୍କେ ।

^୩ ✱ତାଗ୍ଲା ଇସ୍ପର୍ବକେ ଆଲାଦ୍ ଡିଙ୍ଗ୍ନେ ଡିଙ୍ଗ୍କେ ଏନ୍ ଅରତ ନେ ମେଁନେ ଆଦେସ୍ ପାଲନ୍ ନେଡିଙ୍ଗ୍ । ମେଁନେ ଆଦେସ୍ ପାଲନ୍ ଡିଙ୍ଗ୍ନେ ମାଲେ କସ୍ ଶୁ ।

^୪ ତାଗ୍ଲା ଇସ୍ପର୍ବନେ ଉଙ୍ଗ୍ଡେଇଂ ଏନ୍ ମଞ୍ଚପୁରକେ ଜିତେନେ ବପୁ ବା ଲେଃକେ । ବିସ୍ବାସ୍ ବପୁରେ ନେ ମଞ୍ଚପୁରନେ ଆଡାଡା ଜିତେ ନେୟାଏ ।

^୫ ଏନ୍ ମଞ୍ଚପୁରକେ ଜାଣ୍ଟେ ଜିତେ ଯାଏ ? ଜିସୁକେ ଇସ୍ପର୍ବନେ ଉଙ୍ଗ୍ଡେ ତାଗ୍ରେ ଜାଣ୍ଟେ ବିସ୍ବାସ୍ ଡିଙ୍ଗ୍ ମେଁ ମଞ୍ଚପୁରକେ ଜିତେ ଯାଏ ।

ଜିସୁ କିସ୍ତନେ ବିସ୍ବୟରେ ସାକି

^୬ ଆତାନ୍ ଜିସୁ କିସ୍ତ ଶୁଆ ବାରି ମିଆଁ ବିଚେ ପାଙ୍ଗ୍ଲେଃକେ, ମାତର୍ ଶୁଆ ବିଚେ ଶୁ, ମାତର୍ ଶୁଆ ବାରି ମିଆଁ ମ୍ବାକ୍ଲିଗ୍ ବିଚେ ପାଙ୍ଗ୍

✱ ୫:୩ ଜହନ୍ ୧୪:୧୫.

ଲେଖକେ । ଆକେନ୍ ସାମୁଆଁନେ ସତ୍ ନିଜେ ପରମାମ୍ବା ପରମାନ୍
ତିଂବକେ, ତାଗ୍ଲା ପରମାମ୍ବା ଆଃ ସତ୍ ।

୭ ବାରି ଆମ୍ବା ତିଗ୍ ଆକ୍ନେ ସାକ୍ୟ ବିଏ ତାଗ୍ଲା ଆମ୍ବା ଆଃ ସତ୍ ।

୮ ଆମ୍ବା ଶ୍ରିଆ ବାରି ମ୍ୟା କ୍ଲେଇଂ ଝିଲ୍ଲିଗ୍ ସାକ୍ୟ ମୁଇଙ୍ଗ୍ ।

୯ ନେ ଜଦି ରେମୁଆଁନେ ସାକ୍ୟ ଗୁଅନ୍ ନେଡିଙ୍ଗ୍ଏ ତେଲା
ଇସ୍ପରନେ ସାକ୍ୟ ମେନେ ବାନ୍ ମ୍ବା ବାରି ଇସ୍ପରନେ ସାକ୍ୟ ଏନ୍
ଜେ ମେଁ ନିଜର୍ ଉଂଡେନେ ବିସ୍ମରେ ସାକି ବିଃବକେ ।

୧୦ ଜାଣ୍ଡେ ଇସ୍ପରନେ ଉଂଡେନେ ତାଗ୍ରା ବିସ୍ବାସ୍ ତିଙ୍ଗ୍ଏ
ମେଁ ନିଜର୍ ଅଃନା ମାତାନ୍ନିଆ ଏନ୍ ସାକି ବାଲେଃକେ; ଜାଣ୍ଡେ
ଇସ୍ପରନେ ସାକି ବିସ୍ବାସ୍ ଆଡିଙ୍ଗ୍ ଶୁ ମେଁ ଇସ୍ପରକେ ମିର୍
ତାଗ୍ରାଟେ ବାସଙ୍ଗ୍ତିଂକେ ତାଗ୍ଲା ଇସ୍ପର ନିଜର୍ ଉଂଡେନେ ବିସ୍ମରେ
ଆଣ୍ଡିନେ ସାକି ବିବକେ ଆତାନ୍ ମେଁ ବିସ୍ବାସ୍ ଆଡିଙ୍ଗ୍କେ ଶୁ ।

୧୧ ✨ଆତେନ୍ ସାକି ଏନ୍ ଜେ ଇସ୍ପର ଆନେକେ ମାତାନ୍ ପାରାନ୍
ବିବକେ ବାରି ଆତେନ୍ ପାରାନ୍ ମେଁନେ ଉଂଡେନେ ତାଗ୍ରା ଲେଃକେ ।

୧୨ ଜାଣ୍ଡେ ଉଙ୍ଗ୍ଡେକେ ବାଲେଃକେ ମେଁ ପାରାନ୍ ବାଲେଃକେ;
ଜାଣ୍ଡେ ଇସ୍ପରନେ ଉଙ୍ଗ୍ଡେକେ ବାଆଲେଃକେ ମେଁ ପାରାନ୍ ତିଗ୍
ଆବାକେ ଶୁ ।

ମାତାନ୍ ପାରାନ୍

୧୩ ଆପେକେ ଏନ୍ ଉଲିଆ ଗୁଆର୍ମ୍ବୁକେ ମାତାନ୍ ପାରାନ୍ନେ
ଅଦିକାର୍ ତାଗ୍ରାଟେ ପେଇଂ ତିରକମ୍ ପେମ୍ୟାଏ ତାଗ୍ଲା ଇସ୍ପରନେ
ଉଂଡେନେ ମିନ୍ନିଆ ପେଇଂନେ ବିସ୍ବାସ୍ ଲେଃକେ ।

୧୪ ବାରି ନେ ଅଃନା ମେଁନେ ଇକ୍ତା ରକମ୍ ମେଃଡିଗ୍ ପାର୍ତନା
ନେଡିଙ୍ଗ୍ଏ, ତେଲା ମେଁ ନେଁଇଂନେ ଆତେନ୍ ପାର୍ତନା ଅଁଏ, ମେଁନେ
ତାଗ୍ରା ନେଁନେ ଏନ୍ ସାଆସ୍ ଲେଃକେ ।

୧୫ ବାରି ନେ ମେଁନେ ତାଗ୍ରା ମେଃଡିଗ୍ ପାର୍ତନା ନେଡିଙ୍ଗ୍ଏ
ମେଁ ଅଁଏ ତାଗ୍ରାଟେ ଜଦି ନେ ମ୍ୟାନେଲେକେ ତେଲା ମେଁନେ
ତାଗ୍ରା ମେଃଡିଗ୍ ପାର୍ତନା ତିଙ୍ଗ୍ନେଡିଙ୍ଗ୍କେ ଆତାନ୍ସାପା ଜେ
ବାନେଲେଃକେ ଏନ୍ ତିଗ୍ ମ୍ୟାନେଲେକେ ।

୧୬ ଜଦି ପେନେ ବିସ୍‌ବାସି ବୟାଁ ବାରି ତନା ପାପ୍ ତିଙ୍ଗ୍‌କ୍ଲେ ପେକେଏ ବାରି ଆତେନ୍ ପାପ୍ ଗୁଏନେ ତିଙ୍ଗ୍ ଆଲେଃ ଶୁ । ମେନ୍‌ସା ଇସ୍‌ପରକେ ପାର୍‌ତନା ତିଙ୍ଗ୍‌ପା ବାରି ଇସ୍‌ପର୍ ଆମେକେ କେମା ବିଚେ ରକ୍ୟା ତିଙ୍ଗ୍‌ଏ । ଜାଣ୍ଟେଇଂନେ ପାପ୍ ଗୁଏନେ ଆତାନ୍ ବିସ୍‌ୟରେ ଇସ୍‌ପରକେ ପାର୍‌ତନା ତିଙ୍ଗ୍ ନ୍‌ସା ନେଙ୍ଗ୍ ବାସଙ୍ଗ୍ ନାତିଙ୍ଗ୍‌କେ ଶୁ ।

୧୭ ସାପା ଅଦରମ୍ ପାପ୍ ଲେଃଏ ଡାଗ୍ଲା ସାପା ପାପ୍ ଗୁଏନେ ଶୁ ।

୧୮ ଜାଣ୍ଟେକି ଇସ୍‌ପରନେ ବାନ୍ ଜନମ୍ ମେଁ ଅଃନା ପାପ୍ ଆଃତିଂ ଶୁ ମେଁ ଇସ୍‌ପରନେ ବାନ୍ ଜନମ୍ ତିଙ୍ଗ୍‌ଚେ ନିଜେକେ ରକ୍ୟା ତିଙ୍ଗ୍‌ଏ ବାରି ପାପ୍ ଆମା ଆମେକେ ଲିଗ୍ ଆୟା ଶୁ ଏନ୍ ନେ ମ୍ୟାନେଲେକେ ।

୧୯ ନେ ମ୍ୟାନେଲେକେ ସାପା ମଞ୍ଚ୍‌ପୁରନେ ସଏତାନ୍ ମେଁନେ ଅଦିକାର୍ ବାଲେଃଲା ତିଗ୍ ନେ ଇସ୍‌ପରନେ ।

୨୦ ବାରି ତିଗ୍ ନେ ମ୍ୟାନେଲେକେ ଜେ, ଇସ୍‌ପରନେ ଉଙ୍ଗ୍‌ଡେ ପାଙ୍ଗ୍‌ଲେଃକେ ବାରି ସଡ୍ ମ୍ୟାନ୍‌ସା ଆନେକେ ବୁଦି ବିବକେ; ବାରି ନେ ଆତେନ୍ ସଡ୍‌ନେ ଡାଗ୍ଲା ଶୁଲା ମେଁନେ ଉଙ୍ଗ୍‌ଡେ ଜିସୁ କିସ୍‌ଟନେ ଡାଗ୍ଲା ଲାଃଲେ । ମେଁ ସଡ୍ ଇସ୍‌ପର୍ ବାରି ମାତାନେ ପାରାନ୍ ଅଟେଏ ।

୨୧ ଅ ଗଡ୍‌ଇଂ ମୁର୍‌ତିଇଂବାନ୍ ସ୍ଲୁ ଲାଲାପା ।

ସତ୍ ଗାଳି
The New Testament in the Gata' language of India: ସତ୍
ଗାଳି (Bible)

copyright © 2020 The Word for the World International

Language: Didayi (Gata')

Contributor: The Word for the World International

ସତ୍ ଗାଳି
ଯାଶୁ ମାପୁରୁନେ ନି ନିଅମ୍, 2020

The Gata Didayi Testament Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-09

PDF generated using Haiola and XeLaTeX on 18 Mar 2025 from source files dated 9 Apr 2023

cd536811-9eb4-56d5-9546-afaca24c958c